



**PARLAMENTO
NACIONAL**
República Democrática de Timor-Leste

Comissão de Educação, Juventude, Cultura e Cidadania

RELATÓRIU

**FISCÁLIZASAUN IHA MUNISIPIU BOBONARO
LORON 15 – 18 FULAN DEZEMBRO 2020**

COMISSÃO DA EDUCAÇÃO, JUVENTUDE, CULTURA E CIDADANIA

2020



PARLAMENTO
NACIONAL
República Democrática de Timor-Leste

Comissão de Educação, Juventude, Cultura e Cidadania

Sumáriu:

- I. Introdusaun
 - 1.1 Enkuadramentu Legal
 - 1.2 Métopu Fiskalizaun
- II. Objetivu
- III. Kompozisaun
- IV. Atividades Realizadas
- V. Rezumu Perfil Autoridade Munisípu Bobonaro
- VI. Rezumu Atividade
- VII. Konkluzau
- VIII. Rekomendasaun
- IX. Aprovasaun
- X. Nota Final



**PARLAMENTO
NACIONAL**
República Democrática de Timor-Leste

Comissão de Educação, Juventude, Cultura e Cidadania

RELATÓRIU

FISKÁLIZASAUN IHA MUNISÍPIU BOBONARO

I. INTRODUSAUN

1.1. Enkuadramentu Legal

Komisaun de Edukasaun, Juventude, Kultura no Sidadania (Komisaun G) Parlamentu Nasional, realiza vizita fiskálizasaun baseia ba art. 92, art. 95, n.º 3 alínea e), kombinadu ho art. 145 n.º 3) husi Konstituisaun RDTL, no mos bazeia ba art. 35 alínea c), kombinadu ho art. 79 alínea f) husi Rejimentu Parlamentu Nasional.

Bezeia ba artigu hirak refere iha leten, Komisaun defini no hatur iha planu vizita fiskálizasaun ne'e hanesan meius ida atu inteira no aprofunda progresu no dezafius ne'ebé Edukasaun Munisipal sira infrenta durante implementasaun Estadu Emerjensia (EE) durante tamba pandemia COVID-19. Parlamentu Nasional nu'udar orgaun fiskalizador hodi halo akompanhamentu, liu-liu liga ho servisu no area tematika komisaun G nian, hodi hatene nia ezekusaun orsamentu no progresu husi programa refere iha terenu.

Iha planu implementasaun programa fiskálizasaun, komisaun G desidi hodi limita nia atividades fiskálizasaun tuir ajenda polemika nebe levanta husi Professores reclamantes sira iha media sosial liu-liu konaba estatuto professores kontratadu nebe deskunfia hetan kobransa ilegal, karta konhesimentu husi Eis Superintendente Edukasaun Munisipiu

Bobonaro senhor Raimundo Soares hó asuntu husu substituisaun ba kargu Chefia no investigasaun diriji ba senhor Presidente Comissão G no mos aproveita fiscaliza ba iha Eskola Técnica Informática (ETI) Maliana, no vizita kondisaun konstrusaun eskola secundaria Malibaca.

1.2. Métopu Fiskálizasaun

1. Enkontru

Enkontru nudar meius ida atu rona husi Diretor Eskola no mós professores sira relaciona ho implementasaun programa Governu nian no hatene besik liu tan nia progresu no obstákulus saída.

2. Observasaun

Hare besik liu prosesu implementasaun programa ne'ebé liga ho area temátika komisaun G, mak hanesan edukasaun, juventude, kultura no sidadania espesifikamente kondisaun infra-estrutura no prosesu aprendizajem.

3. Dokumentasaun

Rekolha informasaun liu-husi dokumentus ne'ebé liga ho fiskálizasaun komisaun G nian iha eskola sira sira iha Munisipiu Bobonaro.

II. OBJETIVU

Objetivu husi vizita fiskalizasaun ida ne atu observa diretamente konaba kondisaun infra-estrutura inklui facilidades no prosesu aprendizajem.

III. KOMPOZISAUN DELEGASAUN

Membru delegasaun komisaun G ne'ebé mak partisipa iha fiskalizasaun iha Munisipiu Bobonaro kompostu husi:

1. Deputado Antonio Verdial de Sousa	Prezidente	KHUNTO
2. Deputado Sabino Soares "GUNTUR"	Membro	PLP
3. Deputada Bendita Moniz Magno	Membro	CNRT
4. Deputado Gabriel Soares	Membro	CNRT

5. Deputado Domingos Lopes Lemos	Membro	CNRT
6. Deputado António da Conceição	Membro	PD
7. Deputada Izabel B. F. Ximenes	Membro	FM
8. Deputado Benevides de Sá Benevides	Membro	PUDD
9. Felismina da Conceicao	Tékniku Apoio Comissão	
10. Angelina M. de Jesus	Tékniku Apoio Comissão	
11. Aires F. Cabral	Tékniku GEEJ	

IV. ATIVIDADES REALIZADAS

Vizita komisaun G hala’o iha Munisipiu Bobonaro husi loron 15 – 18 fulan dezembro 2020, konsentra deit ba polemika nebe levanta husi professores kontratadus konaba deskunfia iha kobransa ilegal no mos fiskaliza kondisaun konstrusaun ETI, eskola secundaria Malibaca.

Tuir agenda fiskalizacao hanesan tuir mai:

1. Parte dader, enkontru ho professores reclamantes sira nebe deskunfia hetan kobransa ilegal iha salaun Infordepe.
2. Parte lokraik, enkontru ho Diretor ho estrutura Edukasaun Munisipiu, iha edifisiu Edukasaun.
3. Fiskaliza kondisaun inklui facilidades iha eskolas iha Munisipiu Bobonaro.

V. RESUMU PERFIL

Jeografikamente Autoridade Munisipal Bobonaro luan 1,368 km² ho total populasaun hamutuk 92,049 tuir censo 2010. Total posto administrativos hamutuk 6, suku 50 no mos aldeias 194. Husi total postos administrativos refere ho nia dados rekursus humanus edukativus hanesan tabela hirak tuir mai:

Professores iha Munisipiu Bobonaro¹⁾

Nivel Eskolas	Kategoria Eskolas		Total Professores
	Publikas	Privado	
Pré-Primaria	5	9	14
Ensину Basiku	998	71	1,069
Ensino Sekundaria	95	30	125
Eskola Tekniku Vokasional	2	4	6

¹⁾Fontes (livro 3B, orsamentu tinan 2019).

1. Eskolas iha Munisipiu Bobonaro²⁾

Nivel Eskolas	Kategoria Eskolas		Total Eskolas
	Publikas	Privado	
Pré-Primaria	28	9	37
Ensину Basiku	96	76	172
Ensino Sekundaria	8	2	10
Eskola Tekniku Vokasional	2	4	6

²⁾Fontes (livro 3B, orsamentu tinan 2019).

VI. REZUMU ATIVIDADE

6.1. Enkontru ho Professores Reklamantes iha salaun Infordepe Maliana.

Abertura enkontru husi Diretor Edukasau, Juventude no Desporto, hato'ó agradesementu ba senhores Deputados sira nia prezensa hodi bele rona no hare besik liu tan konabá problema nebe levanta husi Professores reclamantes sira.

Tempu hanesan senhor Presidente Komisaun G, fo' o mos agradese ba senhor Diretor bele fasilita enkontru ne'e no hakarak rona direta problema nebe professores kontratadus sira levanta no viral iha media sosial.

Enkontru ne'e partisipa husi professores reclamantes hamutuk ema na'in 21 husi total representante professores reclamantes. Tuir lista nebe apresenta husi Diresaun Edukasaun, Juventude no Desporto Munisipiu Bobonaro, professores reklamantes hamutuk ema na'in 225.

Professores reklamantes nebe partisipa iha enkontru mak hanesan:

1. Domingas de Jesus Ramos
2. Rui de J. do Nascimento
3. Agostinha Godinho Marques
4. Adelaide de Fátima de Jesus
5. Maria de Fátima de Jesus
6. Adelino M. Pereira
7. Bonifácio Maia
8. Cosme de Jesus da Costa
9. Antónia de J. Pereira
10. São zino de J. Pereira
11. Fortunato de J. Pereira
12. Bernardo Barreto
13. Carlos de J. Rodrigues
14. Marcelino S. Pereira
15. Domingas Barreto
16. Calisto Goncalves
17. Horácio P. soares
18. Hermínia de J. Faria
19. Celestina da Cunha
20. Elias Rosa Belo
21. Domingos do Rosário Asis

Rezumu husi preokupasaun nebe apresenta husi professores reclamantes sira durante enkontru mak sente la satisfaz ho hahalok husi senhor Ricardo ho senhor Zacarias, servisu iha Rekursu Humanus, Diresaun Edukasaun, Juventude no Desporto Munisipiu Maliana, halo kobransa osan ilegal entre \$ 300 to'o \$ 600 kada ema ida antes hodi asina kontratu husi lora 1 to'o lora 21 fulan outubro 2020.

Senhores Deputados sira mos halo apresiasaun relasiona ho problema nebe mak professores reclamantes sira apresenta:

1. Preokupasóes sira nebe apresenta ona ne'e hanesan kompetensia husi exekutivu nian.
2. Liu husi OGE 2021, bele mos rezolve preokupasóes professores kontratados, tamba Ministério Edukasaun, Juventude no Desporto sei halo rekrutamentu ba professores sira, mesmu sei labele rezolve hotu.
3. Professores kontratados sira ne'e balun mai keda iha tinan 2012, tenki iha atensaun husi parte ezeutivu no mos sai referencia atu hodi rezolve sira nia destinu.
4. Deskonfia iha kobransa ilegal husi ema balun nebe servisu iha Rekursu Humanus Diresaun Edukasaun, Juventude no Desporto maibe laiha resivo eskrita ruma hodi sai hanesan evidencia.
5. Kna'ar Deputado sira hanesan fikalizador, sei buka maios oinsa hodi husu ba ezeutivu atu rezolve problema nebe mak professores reclamantes sira enfrenta.



6.2 Enkontru ho Diretor Edukasaun, Juventude no desporto Munisipiu Maliana.

Abertura enkontru husi Diretor Edukasaun, Juventude no Desporto, iha biban ne'e fo'ó agradesimentu ba senhores Deputados sira bele vizita edifisiu ne'e relasiona ho preokupasóes nebe apresenta husi professores reclamantes iha enkontru parte dader. Tuir informasaun nebe relasiona ho preokupasóes husi professores reclamantes sira hensan tuir mai:

1. Iha loron 1 fulan outubro 2020, informasaun sira ne'e hanesan klandestina (espalha sai husi ibun ba ibun).
2. Diretor Edukasaun, Juventude no Desporto, laiha kompetensia hodi halo kontratu ho professores sira. Ministério Edukasaun Juventude no Desporto mak bele halo kontratu ba professores sira.
3. Iha loron 30 fulan outubro 2020, parte Edukasaun Munisipiu konvoka enkontru ho professores reclamantes sira maibe marka prezensa husi ema na'in 9 deit.
4. Senhor Ricardo ho senhor Zacarias nu'udar pontu vokal servisu iha Rekursu Humanus Edukasaun Munisipiu Maliana, hateten laiha orientasaun ruma husi superior sira hodi rekolha dokumentus husi professores contratados.
5. Konaba preokupasóes professores contratados apresenta tiha ona ba iha Ministério Edukasaun, Juventude no Desporto.
6. Laiha informasaun ba professores contratados sira konaba asina kontratu.
7. Senhor Ricardo ho senhor Zacarias deklara laiha Despacho ruma hodi halo kobransa ilegal ba professores contratados no prontu atu responsabiliza kuandu iha faktus ruma konaba akuzasaun nebe levanta tiha ona.
8. Iha loron 21 fulan outubro 2020, parte edukasaun bolu ona representante husi professores reklamantes hodi esplika konaba motivu saída mak akontese polemika iha media sosial liu-liu deskonfia iha kobransa ilegal ne'e. Representante husi professores reklamantes ne'e deklara liu husi deklasaun eskrita hateten laiha kobransa ilegal.
9. Ministeriu Edukasaun, hala'o ona inspeksaun relasiona ho problema nebe mak professores reclamantes sira enfrenta.



6.3 Vizita ba iha Escola Técnica Informatica Maliana

Vizita ne'e delegasaun komisaun G hala'o iha edifisiu ETI Maliana ho prezensa husi Diretor, Dosentes no mos estudante. Delegasaun komisaun G aproveita mos oportunidade hodi hala'o enkontru ho estrutura ETI, Dosentes no mos estudantes. Tuir relatoriu nebe apresenta husi husi Diretor katak:

- ETI Maliana hamesan eskola ensino superior IOB paralela no klase paralela Maliana.
- Numeru estudantes nebe ativu iha Escola Técnico Informatica (ETI) hamutuk ema na'in 127 ho Departamento 2 hanesan:
 - Departamento Linguajem Programasaun
 - Departamento Técnica Gestão Informática
- Numeru estudantes nebe ativu iha Institut Of Bisnis (IOB) hamutuk ema na'in 136 ho Departamento 3 hanesan tuir mai:
 - Departamento Gestão Pública
 - Departamento Financeira
 - Departamento Informática
- Prosesu aprendijazem hanesan teoria no pratika.

- Total professores hamutuk 8 hanesan nível estudo mestrado iha ema na'in 4 no mos iha nível estudo licenciatura hamutuk ema na'in 4.
- Husi Total lista Graduados husi tinan 2015 – 2019 hamutuk estudantes na'in 453.
- Facilidades eskola nian hanesan tuir mai:
 - Iha rai rasik, edifisiu, sala de aulas hamutuk 6 no laboratório computador.
 - Fundasaun mos iha dormitório ba professores no mos estudantes sira.
 - Drum band rasik.

Ikus liu senhor Diretor eskola, apresenta rekomensasaun konaba uniformizasaun farda nebe utiliza iha eskola no mos evita moras pandemia COVIC-19 tenki mantein segurança iha fronteiras.

Iha enkontru ne'e senhor Prezidente Komisaun fo'o agradesimentu tamba bele hasoru malu ho Docentes no estudantes sira hodi hare besik liu tan prosesu aprendizagem iha ETI ho IOB Maliana no mos agradese ba Prezidente fundador eskola.

6.4 Fiskálizasaun ba akontesimentu iha Escola Ensino Secundaria Malibaka Maliana.

Tuir observaun iha terenu kondisaun infraestruturas no mos facilidades a'at motivu husi anin bo'ot akontese iha loron 2 fulan dezembro 2020 hanesan:

- Sala de aula 3 nia kondisaun a'at
- Sintina 1 nia kondisaun a'at
- Sala laboratorio 1 inklui computador nia kondisaun a'at

Depois halo konfirmasaun ho Diretor Eskola konaba estragus hirak ne'e aprezebta tiha ona ba Ministeriu Edukasaun no Ministeriu Edukasaun mos halo tiha ona inspesaun.



VII. Konkluzan

Vizita fiskalizaun ne'e Komisaun hasai konkluzan hanesan turi mai:

1. Problema nebe professores kontratadus sira infrenta iha pontu 3 hanesan:
 - Professores sira ne'e mai husi tinan 10 ona ho estatuto hanesan professor kontratdu.
 - Professores balun tama iha grupu nebe hetan kontratu no balun lahetan kontratu.
 - Professores balun foin tama ho nível edukasaun licenciatura husi UNTL no mos hasai ona formasaun iha INFORDEPE, maibe sira nia estatutu hanesan professores kontratdus.
2. Problema nebe akontese ba professores reklamantes sira ne'e la devia atu akontese.
3. Edukasaun Munisipiu tenki fo'o informasaun nebe lo'os ba professores kontratadus sira.
4. Kondisaun inraestruturas Escola Secundaria Malibaca, akontese anin bo'ot no sobu iha loraon 2 fulan dezembro 2020 nebe hetan estragus hanesan sala de aulas 3, sentina 1, laboratorio inklui computador.

VIII. Rekomendasaun

Komisaun hato'o rekomendasaun hanesan tuir mai:

Rekomenda ba Ministeriu Edukasaun:

1. Atu rezolve distinu professores kontratadus iha Munisipiu Bobonaro.
2. Husu atu halo jestaun nebe diak no mos tau atensaun ba professores sira nebe finaliza ona formasaun iha INFORDEPE.
3. Atu rezolve kondisaun infraestruturas escola Secundaria Malibaca nebe hetan estragus kauza husi dezastre anin bo'ot para bele fasilita prosesu aprendizajem.
4. Husu ba Ministeriu Edukasaun atu suspende kargu Xefe Rekursu humanus no Administrasaun husi senhor Ricardo.

IX. Aprovasaun Relatóriu

Relatóriu vizita fiskalizaun komisaun iha Munisipiu Bobonaro, le'e no aprova iha reuniaun datada 13 fulan janeiro 2021, ho votus a favor: 5, kontra: 0 no abstensaun: 2.

XI. Nota Final

Atu atende ba necessidade no asegura rezultadus nebe'e efikasia iha fiskalizaun ne'e hó sentidu atu aprofunda kooperasaun institucional entre Parlamentu Nasional no Governo, Komisaun Edukasaun, Juventude, Cultura e Sidadania (Komisaun G) propoin konsiderasaun iha Plenário Parlamentu Nasional, ba Relatoriu fiskalizaun, akompanhamentu no monitorizasaun.

Ida ne'e mak relatóriu fiskalizaun Komisaun nian iha Munsipiu Bobonaro.

Prezidente Komisaun,

Relatora,

Antonio Verdial de Sousa

Gabriela Alves

